

14/12/1998

Rafidah nafi hasrat bertanding

AHLI Majlis Tertinggi Umno, Datuk Seri Rafidah Aziz belum membuat keputusan untuk bertanding mana-mana jawatan dalam pemilihan pucuk pimpinan parti tahun depan.

Sambil mengucapkan terima kasih kepada pihak yang sedia menyokongnya untuk bertanding jawatan Naib Presiden, Rafidah mengakui beliau tidak berfikir apa-apa mengenai perebutan jawatan dalam parti.

"Bagi saya tidak terlintas...orang nak cakap, cakaplah itu hak dia. Dia nak sokong, dia nak saya bertanding biarlah.

"Saya, insya-Allah dari mulut saya sendiri tidak akan keluar apa-apa lafaz sama ada saya nak bertanding. Tak usah tanyalah, takkan keluar," katanya.

Mengulas mengenai kesediaan Ketua Pergerakan Wanita Umno, Datuk Dr Siti Zaharah Sulaiman memberi sokongan kepada Rafidah jika sedia merebut jawatan Naib Presiden, beliau berkata:

"Terima kasih banyak atas sokongan. Terima kasih daun keladi. Saya tidak fikir mengenai diri saya.

"Perdana Menteri, Datuk Seri Dr Mahathir Mohamad dalam ucapannya berkata dalam politik tidak ada kawan tetap dan musuh tetap. Ingatkan itu sajalah.

"Saya pun tidak tahu hati orang yang menyokong ini. Tuhan saja yang tahu. Sampai masa Tuhan tentukan, gerakkan hati saya, bertanding atau tidak bertanding, siapa tahu?" katanya.

(END)